

განცხადება ტენდერის ჩატარების შესახებ

1. ჯანმრთელობისა და სოციალური პროგრამების სააგენტო (ქ. თბილისი, რუსთაველის გამზირი #12) აცხადებს საერთაშორისო ტენდერს მოსახლეობის სპეციფიკური მედიკამენტებით უზრუნველყოფის 2010 წლის სახელმწიფო პროგრამის ონკონკურაბელურ პაციენტთა მედიკამენტებით უზრუნველყოფის კომპონენტის მიხედვით ტკვილგამაყუჩებელ საშუალებათა შესყიდვაზე და იწვევს ყველა დაინტერესებულ პირს მონაწილეობის მისაღებად.

2. შესყიდვის ობიექტია:

I ლოტი: მორფინის ჰიდროქლორიდი 1%, 1 მ/ლ ამპულებში – 528 000 ამპულა;

II ლოტი: ტაბლეტირებული მორფინი (მორფინის სულფატი), გახანგრძლივებული მოქმედების 15 მგ – 3 500 აბი;

III ლოტი: ტაბლეტირებული მორფინი (მორფინის სულფატი), გახანგრძლივებული მოქმედების 30 მგ – 3 400 აბი;

IV ლოტი: ტაბლეტირებული მორფინი (მორფინის სულფატი), გახანგრძლივებული მოქმედების 60 მგ – 12 800 აბი;

V ლოტი: ტაბლეტირებული მორფინი (მორფინის სულფატი), გახანგრძლივებული მოქმედების 100 მგ – 7 500 აბი.

VI ლოტი: – ფენტანილის ტრანსდერმული პლასტიკი, 25 მკგ/სთ, #5 – 100 კოლოფი.

VII ლოტი: ფენტანილის ტრანსდერმული პლასტიკი, 50 მკგ/სთ, #5 – 200 კოლოფი.

შესყიდვის სავარაუდო ღირებულება:

I ლოტი – 528 000 ლარი (ხუთას ოცდარვა ათასი) ლარი;

II ლოტი – 2 800 (ორი ათას ოცდაათი) ლარი;

III ლოტი – 4 760 (ოთხი ათას შვიდას სამოცი) ლარი;

IV ლოტი – 23 680 (ოცდასამი ათას ექვსას ოთხმოცი) ლარი;

V ლოტი – 19 875 (ცხრამეტი ათას ოცდაათი) ლარი;

VI ლოტი – 13 900 (ცამეტი ათას ცხრასი) ლარი;

VII ლოტი – 46 800 (ორმოცდაექვსი ათას ოცდაათი) ლარი.

3. საქონლის მიწოდების ვადაა:

3.1. თითოეული ლოტით მოსაწოდებელი საქონლის 20% მოწოდებული უნდა იქნას არაუგვიანეს 2010 წლის 1 მაისისა;

3.2. საქონლის დარჩენილი რაოდენობა მოწოდებული უნდა იქნას ეტაპობრივად, შემსყიდველის მოთხოვნის შესაბამისად, არა უგვიანეს 2010 წლის 1 ნოემბრისა.

3.3. საქონლის მიწოდება უნდა განხორციელდეს პირობით: INCOTERMS-2000, DDP – თბილისი, უზნაძის ქ. # 76/1.

4. სატენდერო დოკუმენტაცია შედგენილია ქართულ ენაზე. მონაწილეობის მსურველ პირებს სატენდერო დოკუმენტაციის მიღება შეეძლებათ 2010 წლის 22 მარტის 18 საათამდე, მას შემდეგ, რაც გადაიხდიან 150 ლარის ოდენობის სატენდერო მოსაკრებელს შემდეგ ანგარიშზე: სახაზინო სამსახურის ერთიანი ანგარიშის # 200122900, სახელმწიფო ხაზინა, კოდი 220101222, სახაზინო კოდი 302003174, გადახდის დანიშნულება – სატენდერო მოსაკრებელი, ჯანმრთელობისა და სოციალური პროგრამების სააგენტო. სატენდერო დოკუმენტაციის მიღება ტენდერში მონაწილე პრეტენდენტებს შეეძლებათ შემდეგ მისამართზე: ქ. თბილისი, რუსთაველის გამზირი #12, მე-4 სართული, ოთახი # 413.

5. დაინტერესებულმა პირებმა საკვალიფიკაციო მონაცემები და სატენდერო წინადადება (ქართულ ენაზე, სამ ეგზემპლარად) უნდა წარმოადგინონ არაუგვიანეს 2010 წლის 23 მარტს

10-დან 13 საათამდე, მას შემდეგ, რაც გადაიხდიან სატენდერო წინადადების წარდგენის საფასურს, 50 ლარის ოდენობით, შემდეგ ანგარიშზე: მიმღების ბანკი – ს/ს ბანკი „რესპუბლიკა“, ცენტრალური ფილიალი. ბანკის კოდი 220101757. მიმღები – სსიპ სახელმწიფო შესყიდვების სააგენტო. მიმღების ანგარიშის # 10591718543.

პრეტენდენტებმა საკვალიფიკაციო მონაცემები და სატენდერო წინადადება უნდა წარმოადგინონ შემდეგ მისამართზე: ქ. თბილისი, რუსთაველის გამზირი # 12, მე-6 სართული, სააქტო დარბაზი.

დაგვიანებით შემოსულ სატენდერო წინადადებებს სატენდერო კომისია არ განიხილავს და გაუხსნელად უბრუნებს წარმომდგენ პირებს.

6. საკვალიფიკაციო მონაცემები უნდა შეიცავდეს შემდეგ ცნობებსა და ინფორმაციას:

6.1. იურიდიული პირისათვის:

ა) შესყიდვაში მონაწილეობის მსურველი პირის რეკვიზიტები (მისამართი, ტელეფონი, ფაქსი, საიდენტიფიკაციო კოდი, საბანკო რეკვიზიტები);

ბ) სამეწარმეო რეესტრის ამონაწერი (საქართველოს იუსტიციის სამინისტროს საჯარო რეესტრის ეროვნული სააგენტოდან);

გ) ცნობა, რომ შესყიდვაში მონაწილეობის მსურველი პირის მიმართ არ მიმდინარეობს გადახდისუუნარობის საქმისწარმოება (ცნობა წარმოდგენილი უნდა იქნას სასამართლოდან რეგისტრაციის ადგილის მიხედვით – თბილისის ან ქუთაისის საქალაქო სასამართლოდან);

6.2 ფიზიკური პირისათვის:

ა) პირადობის დამადასტურებელი დოკუმენტის ქსეროასლი;

ბ) დოკუმენტი გადასახადის გადამხდელად დარეგისტრირების შესახებ (საქართველოს ფინანსთა სამინისტროს შემოსავლების სამსახურიდან);

გ) ცნობა, რომ შესყიდვაში მონაწილეობის მსურველი პირის მიმართ არ მიმდინარეობს გადახდისუუნარობის საქმისწარმოება (ცნობა წარმოდგენილი უნდა იქნას სასამართლოდან რეგისტრაციის ადგილის მიხედვით – თბილისის ან ქუთაისის საქალაქო სასამართლოდან).

6.3 როგორც ფიზიკური, ასევე იურიდიული პირისათვის:

6.3.1. სამკურნალო საშუალების საქართველოში რეგისტრაციის მოწმობა;

შენიშვნა: იმ შემთხვევაში, თუ ტენდერში წარმოდგენილი იქნება არარეგისტრირებული პრეპარატი, მიმწოდებელმა უნდა იკისროს წერილობითი ვალდებულება იმის თაობაზე, რომ საქონლის მოწოდებას განახორციელებს ჰუმანიტარული მიზნით, საქართველოს შრომის, ჯანმრთელობისა და სოციალური დაცვის სამინისტროს ნებართვით, საქართველოს ბაზარზე დაშვების უფლების არმქონე ფარმაცევტული პროდუქტის დაშვების რეჟიმების გვერდის ავლით, დაუბრკოლებლად შემოტანის უფლების გასაცემად განსაკუთრებული პირობების (სტიქიური უბედურება, მოსახლეობის მასობრივად დაზიანება, ეპიდემია, იშვიათი დაავადება) დადგენის შესახებ- საქართველოს შრომის, ჯანმრთელობისა და სოციალური დაცვის მინისტრის 2009 წლის 13 ოქტომბრის # 327/ნ ბრძანებით დადგენილი წესის შესაბამისად.

6.3.2. წერილობითი დადასტურება სახელმწიფო შესყიდვების სააგენტოდან, რომ პრეტენდენტი არ არის შესული შესყიდვებში მონაწილე არაკეთილსინდისიერი პირების, პრეტენდენტებისა და მიმწოდებლების რეესტრში.

7. ყველა საკვალიფიკაციო მონაცემი წარმოდგენილი უნდა იქნას ერთი ეგზემპლარი ორიგინალის ან ნოტარიულად დამოწმებული ასლის სახით, დანარჩენი 2 ეგზემპლარი ქსეროასლის სახით.

8. მე-6 პუნქტში მითითებული საკვალიფიკაციო მონაცემები უცხო ქვეყნის იურიდიული ან ფიზიკური პირის მიერ წარმოდგენილი უნდა იქნას შესაბამისი ქვეყნის სათანადო ორგანოდან, დადგენილი წესით დამოწმებული თარგმანის სახით.

9. ტენდერში მონაწილეობის მსურველს უფლება აქვს მიიღოს ტენდერში მონაწილეობა ქვეკონტრაქტორთან ერთად, იმ პირობით, რომ ქვეკონტრაქტორიც გაივლის საკვალიფიკაციო შეფასებას ზემოთ აღნიშნული მოთხოვნების გათვალისწინებით.

10. განცხადების 6.1., 6.2. და 6.3.2. პუნქტებში მითითებული ცნობები გაცემული უნდა იყოს ტენდერის ჩატარების შესახებ განცხადების გამოქვეყნების შემდეგ.

11. პრეტენდენტებს უფლება აქვთ წარმოადგინონ როგორც ძირითადი, ისე ალტერნატიული სატენდერო წინადადება (წინადადებები).

12. ტენდერის თითოეულ ლოტში გამოვლინდება ერთი გამარჯვებული.

13. ტენდერში გამოყენებული იქნება სატენდერო წინადადების უზრუნველყოფის (სატენდერო წინადადების 1%-ის ოდენობით) და ხელშეკრულების შესრულების უზრუნველყოფის (ხელშეკრულების 2%-ის ოდენობით) მექანიზმი, საბანკო გარანტიის ან სადაზღვევო კომპანიის მიერ გაცემული გარანტიის სახით.

14. ტენდერში მონაწილეობის მსურველ პირებს **სატენდერო მოსაკრებლის გადახდამდე**, შეუძლიათ გაეცნონ სატენდერო დოკუმენტაციას მისამართზე: ჯანმრთელობისა და სოციალური პროგრამების სააგენტო, ქ. თბილისი, რუსთაველის გამზირი # 12, მეოთხე სართული, ოთახი # 413.

15. ტენდერის ჩატარების შესახებ განცხადების მე-13 პუნქტითა და სატენდერო დოკუმენტაციით განსაზღვრული მოთხოვნები/დოკუმენტები შემდგომ დაზუსტებას/შეცვლას **არ ექვემდებარება**.

16. დამატებითი ინფორმაცია დაინტერესებულ პირებს შეუძლიათ მიიღონ შემდეგი პირისაგან – სატენდერო კომისიის აპარატის წევრები: მაკა ჩაჩანიძე ტელ.: **932294**, ალექსანდრე მამალაძე, გულსუნდა ონიანი ტელ.: **936629**, მისამართზე: ჯანმრთელობისა და სოციალური პროგრამების სააგენტო, ქ. თბილისი, რუსთაველის გამზირი # 12, მეოთხე სართული, ოთახები # 412, # 413.

სატენდერო კომისია